



Broj/Broj: 01/a – 50 – 1 – 15 - 74/10
Sarajevo/Sarajevo: 24.3.2010.

ZAPISNIK
74. sjednice Predstavničkog doma
Parlamentarne skupštine Bosne i Hercegovine,
održane 24. 3. 2010. godine

Sjednica je počela u 10 sati. Prisustvovalo je 35 poslanika.

Opravdano su odsustvovali: Savo Erić, Velimir Jukić, Sadik Bahtić, Jerko Ivanković Lijanović i Lazar Prodanović, Zlatko Lagumdžija i Milica Marković.

Iz Vijeća ministara BiH sjednici su prisustvovali: Rudo Vidović, Safet Halilović, pomoćnik ministra civilnih poslova BiH Suad Džafić.

Iz međunarodnih organizacija sjednicu su pratili predstavnici: OHR-a, OSCE-a, EUSR-a, USAID PSP-a i Centra civilnih inicijativa.

Sjednici je prisustvovao i predsjedavajući Ureda za razmatranje žalbi dr. Amir Pilav.

Nakon što je kratko upoznao Dom sa izmjenama dnevnog reda, predsjedavajući je otvorio raspravu o dnevnom redu. U raspravi je učestvovao Sefer Halilović koji je predložio da se s dnevnog reda skine tačka 7., s obzirom da nije stigla informacija koja bi bila predmet rasprave. Predsjedavajući je naveo da je inicijativa prošla poslovničku proceduru te da se Dom na ovoj sjednici izjašnjava o usvajanju inicijative. Ako je usvoji, bit će zatražena Informacija o stanju pripadnika Oružanih snaga BiH kojima u toku 2010. ističe ugovor i predložena rješenja ovog pitanja.

Predsjedavajući je konstatirao da 74. sjednica Predstavničkog doma ima sljedeći

DNEVNI RED

1. Poslanička pitanja:
 - a) Komentari na dobivene odgovore,
 - b) Nova poslanička pitanja,
2. Prijedlog strategije razvoja sporta u Bosni i Hercegovini, predlagač Vijeće ministara BiH, broj: 01,02-35-372/10, od 24.2.2010.,
3. Rasprava o Izvještaju o aktivnostima Vijeća Evrope u 2009. - prijedlog za razmatranje: Delegacija PSBiH u Parlamentarnoj skupštini Vijeća Evrope, materijal broj: 04/1-05-5/10, od 12.2.2010.,
4. Izvještaj o aktivnostima na projektu „Autoput na Koridoru Vc“ i Plan narednih aktivnosti, materijal Ministarstva komunikacija i prometa BiH, broj: 01,02,01/5-29-371/10, od 24.2.2010.,
5. Izvještaj o radu Ureda za razmatranje žalbi u 2009.godini, materijal Ureda za razmatranje žalbi broj: 01,02-50-3-386/10, od 26.2.2010.,
6. Prijedlog rezolucije o važnosti osude genocida u Srebrenici i ratnih zločina u Bosni i Hercegovini za izgradnju trajnog mira, predlagač: poslanik Denis Bećirović, broj:01-02-12-261/10, od 3.2.2010.,

7. Izjašnjavanje o Inicijativi poslanika Sefera Halilovića sa 71. sjednice Predstavničkog doma, održane 3. 2. 2010., koja glasi:
„Predstavnički dom Parlamentarne skupštine BiH zahtijeva od Vijeća ministara BiH da dostavi kompletnu informaciju o stanju pripadnika Oružanih snaga BiH kojima u toku 2010. godine ističe ugovor i predložena rješenja ovog pitanja, kako bi se na narednoj sjednici Doma obavila rasprava o ovom važnom pitanju i donijele odluke“.

Ad.2. Poslanička pitanja:

- a) Komentari na dobivene odgovore**
- b) Nova poslanička pitanja**

Predsjedavajući Živković konstatirao je da su od prošle do ove sjednice odgovore na postavljena pitanja dobili:

1. Halid Genjac i Vesna Šain - od Regulatorne agencije za komunikacije, na pitanje postavljeno na 71. sjednici
2. Velimir Jukić - od Ministarstva unutrašnjih poslova Zapadnohercegovačkog kantona i SIPA-e, na pitanje postavljeno na 72. sjednici,
3. Martin Raguž, Momčilo Novaković, Nermina Zaimović – Uzunović, Željko Kuzmanović i Milorad Živković - od Vijeća ministara BiH, na pitanje postavljeno na 70. sjednici
4. Rifat Dolić - od Vijeća ministara BiH, na inicijativu upućenu na 66. i pitanje postavljeno na 70. sjednici
5. Sadik Bahtić - od Vijeća ministara BiH, na pitanje postavljeno na 64. sjednici.

a) Komentari na dobivene odgovore

Odgovore su komentirali: Rifat Dolić, Momčilo Novaković, Denis Bećirović, Martin Raguž i Milorad Živković.

Pitanja su ponovili:

Rifat Dolić

„Inicijativa Vijeću ministara BiH da Parlamentarnoj skupštini BiH dostavi informaciju o stanju, naučnoj valorizaciji i perspektivama geološkog lokaliteta „Visočke piramide“ u Viskom.

Martin Raguž

Šta je učinjeno na realizaciji zaključaka Predstavničkog doma PSBiH, usvojenih 9.7.2009., vezanih za poplave u Popovu polju, rijecu Krupi, Hutovom blatu, te da li su i kakve učinke postigli?“

b) Nova poslanička pitanja

Postavljena su nova poslanička pitanja kako slijedi:

Mirko Okolić

1. Koliko je obnovljeno stambenih jedinica, a da tu sada sa stalnim mjestom boravka nisu njihovi vlasnici?

2. Koliko je obnovljeno stambenih jedinica, a da su ih vlasnici otuđili?
3. Koliko je stambenih jedinica obnovljeno po narodima?
4. Koliko je incidenata bilo prema povratnicima i vjerskim objektima po općinama, odnosno po entitetima?

Šefik Džaferović

Početkom ove godine na teritoriji Bosne i Hercegovine, na području općine Bijeljina, postavljena su zvanična obilježja Republike Srbije, zvanični natpis općine Bogatić. Interesira me ko je to uradio i na osnovu čega? Šta su učinili organi BiH da se ti natpisi uklone? Posebno šta je uradila Granična policija BiH, Ministarstvo vanjskih poslova BiH i MUPRS-a? Kakve su bile reakcije općinskih organa Bijeljine?

Azra Alajbegović

„Koliko je sredstava uplaćeno od PDV-a uzetog za lijekove tokom 2009. godine? Kako je izvršen povrat novca ubiranog po osnovu PDV-a za lijekove entitetskim budžetima u smislu konkretnih cifri?“

Slavko Matić

„Šta je Vijeće ministara BiH do sada uradilo i šta planira preduzeti na stavljanju u funkciju plovnog puta na rijeci Savi i riječnih luka u Bosanskom Šamcu i Brčkom?“

Šemsudin Mehmedović

„1. Zašto do sada nije definiran način provođenja inspeksijskog nadzora nad provođenjem Zakona o lijekovima i propisa donesenih na osnovu ovog zakona, a koji provodi farmaceutska inspekcija?

2. Zašto nije definiran program polaganja posebnog stručnog ispita za farmaceutskog inspektora, sastav ispitne komisije i način polaganja ispita, jer provođenje Zakona o lijekovima kasni upravo zbog ovih odredbi?

3. Kada će direktorica Agencije početi s potpunom primjenom Zakona o lijekovima, bez izbora članova na čijoj primjeni insistira i istovremenim odgađanjem inspekcije onih veledrogerija koje ne poštuju zakon? Da li se time izbjegava kontrola kvaliteta za proizvode koji su po brzom postupku bez provjera i dokumentacije registrirani u RS-u, jer bi na osnovu utvrđene kontrole kvaliteta mogle biti ukinute već izdate dozvole za stavljanje lijeka u promet ili bi mogao biti zabranjen promet određene serije lijeka ili se zatražiti uvođenje izmjena, ako se potvrdi da nalazi analize kvaliteta ne odgovaraju bilo kojem zahtjevu ili obavezi u vezi sa izdavanjem dozvole za stavljanje lijeka u promet?

4. Članom 80. stav 4. Zakona o lijekovima određeni su uslovi, okolnosti i postupak angažiranja ovlaštenih laboratorija za potrebe kontrole i kvaliteta, dok način vođenja evidencije o kontrolama provedenih na ovaj način propisuje stručno vijeće na prijedlog direktora Agencije. Međutim, direktorica Agencije je, a da nije ispoštovala odredbe zakona i po usvojenom pravilniku koji bi propisao stručno vijeće, pokrenula aktivnosti i sklopila ugovor s Agencijom Srbije. Ugovor nije prezentiran stručnom vijeću. Zašto? Po osnovu koje odredbe zakona je sklopljen ovaj ugovor i ko je dao ovlaštenje za sklapanje takvog, po Zakonu o lijekovima, nevažećeg ugovora?

5. Članom 83. stav 1. Zakona o lijekovima rečeno je da Vijeće ministara BiH, najmanje svake dvije godine, a na prijedlog stručnog vijeća Agencije, uz prethodno pribavljenu saglasnost nadležnih ministarstava entiteta i Odjela za zdravstvo Brčko Distrikta BiH, utvrđuje listu esencijalnih lijekova u BiH. Zašto to do sada nije urađeno?

Husein Nanić

„Da li Vijeće ministara BiH i Ministarstvo pravde BiH imaju saznanja da se prisluškuju građani BiH? Šta je preduzelo i šta će preduzeti da se onemogući protupravno prisluškivanje njenih građana od sigurnosnih agencija drugih država?“

Selim Bešlagić

- „1. U koliko slučajeva je u ovom sazivu Parlamentarne skupštine BiH (Predstavničkog doma) korišteno entitetsko glasanje za odbijanje zakona i kojih?
2. U koliko slučajeva u istom periodu je entitetsko glasanje korišteno za odbijanje ostalih akata (zaključci, odluke, rezolucije, deklaracije, imenovanja) i o kojim se aktima radi?“

Mehmed Suljkanović

„Da li na području BiH, osim Agencije za označavanje životinja sa sjedištem u Banjoj Luci, djeluje još neka institucija koja se bavi istim poslom, a koji je u isključivoj nadležnosti Agencije za označavanje životinja?“

Momčilo Novaković

„Pokrećem inicijativu za stavljanje na dnevni red sljedeće tačke: Utvrđivanje smjernica za djelovanje privremenih delegacija koje u ime Bosne i Hercegovine učestvuju na međunarodnim skupovima“.

Remzija Kadrić

- „1. Koje aktivnosti Vijeće ministara BiH preduzima u vezi s reformom javne uprave, a u skladu sa Strategijom javne uprave usvojenom 2006. godine?
2. Zašto se ne provodi Odluka Ustavnog suda o konstitutivnosti naroda po pitanju proporcionalne zastupljenosti u institucijama javne uprave?“

Adem Huskić

1. Koje međunarodne sporazume, koje je ratificirala Bosna i Hercegovina, nije ratificirala druga zemlja potpisnica?
2. Kada će biti upućen u parlamentarnu proceduru Zakon o Agenciji za informatičko društvo i Zakon o državnoj pomoći, budući da su ovi zakoni između ostalog vezani za proces evropskih integracija?

Denis Bećirović

„Šta ste konkretno učinili s ciljem realizacije ciljeva sadržanih u „Građanskoj platformi za izbore 2006. godine“ u periodu od 1. 1. 2007. do 20. 3. 2010. godine?“

Rifat Dolić

„1. Po čijem nalogu i iz kojih razloga je stavljena zabrana na davanje podataka za javnost o visini plaća i ostalih primanja poslanika u Parlamentarnoj skupštini BiH?“

„2. Postoje li zvanični podaci o broju javnih kuhinja u BiH, mjestima u kojima rade i o broju korisnika javnih kuhinja, te načinu njihovog finansiranja?“

Sead Jamakosmanović

„Na koji način azilanti u imigracionom centru BiH ostvaruju pravo na zdravstvenu zaštitu?“

Niko Lozančić

„Da li raspolazete makar operativnim saznanjima o postojanju ovakve vrste kriminaliteta (navodno organizirane kriminalne grupe ucjenjuju različite privrednike, različite nosioce vlasti na različitim nivoima i različita lica koja donose vrlo bitne odluke u ovoj zemlji prijeteći im da će u negativnom kontekstu biti obrađivani u određenim medijima ako za njih ne osiguraju protupravnu imovinsku korist, navodno ili tzv. medijski reket) i ako raspolazete, koliko je to rasprostranjeno i šta preduzimate da se ovi oblici kriminalnog djelovanja sankcioniraju?“

Ad.2. Prijedlog strategije razvoja sporta u Bosni i Hercegovini, predlagač Vijeće ministara BiH, broj: 01,02-35-372/10, od 24.2.2010.

Prvi zamjenik predsjedavajućeg dao je kratke uvodne napomene. U raspravi su učestvovali: Šefik Džaferović, Husein Nanić, Remzija Kadrić, Martin Raguž, Selim Bešlagić, Nermina Zaimović-Uzunović, Denis Bećirović, Beriz Belkić, Rifat Dolić, Bakir Izetbegović, Mehmed Suljkanović, Milorad Živković, Azra Alajbegović, Adem Huskić i pomoćnik ministra civilnih poslova BiH Suad Džafić.

Predstavnički dom izjašnjavao se o zaključku sadržanom u Mišljenju Ustavnopravne komisije koji glasi:

„Zadužuje se Ustavnopravna komisija da o Prijedlogu strategije organizira javnu raspravu te da Domu dostavi izvještaj radi konačnog usvajanja Strategije o razvoju sporta u BiH“

Dom je usvojio zaključak jednoglasno, s 24 glasa „za“ (iz Federacije BiH 18, iz Republike Srpske šest).

Ad.3. Rasprava o Izvještaju o aktivnostima Vijeća Evrope u 2009. - prijedlog za razmatranje: Delegacija PSBiH u Parlamentarnoj skupštini Vijeća Evrope, materijal broj: 04/1-05-5/10, od 12.2.2010.

Predsjedavajući je u uvodnim napomenama rekao da su poslanici, kao materijal za ovu tačku, dobili Izvještaj o aktivnostima Vijeća Evrope u 2009. godine sa sljedećim prilogima:

- Izvještaj Monitoring komiteta Parlamentarne skupštine Vijeća Evrope o funkcioniranju demokratskih institucija u BiH i Dodatak Izvještaju
- Rezoluciju Parlamentarne skupštine Vijeća Evrope 1701 (2010)
- Preporuku Parlamentarne skupštine Vijeća Evrope 1894 (2010)

- Izvještaje sa zasjedanja i satanaka komiteta Parlamentarne skupštine Vijeća Evrope kojima su u toku 2009.godine prisustvovali članovi Delegacije PSBiH u Parlamentarnoj skupštini Vijeća Evrope.

Kazao je i to da je Komisija za vanjske poslove dostavila Mišljenje sa sljedećim zaključcima:

1. Predstavnički dom prima k znanju Izvještaj o aktivnostima Vijeća Evrope u 2009. godini s priloženim dokumentima,
2. Predstavnički dom traži od Vijeća ministara BiH da izradi Akcioni plan po kojem bi se operativno na jasan način uredilo pitanje ispunjavanja obaveza i preporuka iz Izvještaja o funkcioniranju demokratskih institucija BiH i Rezolucije 1701 (2010) i Preporuke 1894 (2010),
3. Predstavnički dom preporučuje da se Izvještaj o funkcioniranju demokratskih institucija BiH i Rezolucija 1701 (2010) i Preporuka 1894 (2010) prosljede nižim nivoima vlasti na upoznavanje i prepoznavanje svog dijela obaveza iz ovih dokumenata,
4. Predstavnički dom urgira za ubrzanje ratifikacije Povelje o regionalnim i manjinskim jezicima, što je jedna od preostalih postprijemnih obaveza,
5. Predstavnički dom poziva Predsjedništvo BiH da ubrza proces imenovanja predstavnika BiH u međunarodnim tijelima, i to u: Evropskom komitetu za sprečavanje mučenja i nehumanog ili degradirajućeg tretmana ili kazne, Savjetodavnom komitetu Okvirne konvencije za zaštitu nacionalnih manjina, Evropskom komitetu protiv rasizma i netolerancije i Venecijanskoj komisiji.

U raspravi su učestvovali: Bakir Izetbegović, Remzija Kadrić, Slavko Matić, Husien Nanić, Martin Raguž, Denis Bećirović, Salko Sokolović, Adem Huskić, Azra Hadžiahmetović, Beriz Belkić, Selim Bešliagić, Drago Kalabić i Niko Lozančić.

U toku rasprave, Slavko Matić je, u ime Komisije za vanjske poslove, predložio prilagođene zaključke, o kojima se Dom izjašnjavao kako slijedi:

- 1. Predstavnički dom prima k znanju Izvještaj o aktivnostima Vijeća Evrope u 2009. godini s priloženim dokumentima.**

„Za“ je glasalo 25 poslanika, (iz Federacije BiH 18, iz Republike Srpske sedam) niko nije glasao „protiv“, a jedan poslanik bio je „suzdržan“. Predsjedavajući je konstatirao da je Dom usvojio ovaj zaključak.

- 2. Predstavnički dom traži od Vijeća ministara BiH da izradi Akcioni plan po kojem bi se operativno na jasan način uredilo pitanje ispunjavanja obaveza i preporuka iz Izvještaja o funkcioniranju demokratskih institucija BiH i Rezolucije 1701 (2010) i Preporuke 1894 (2010)**

„Za“ je glasalo 20 poslanika (iz Federacije BiH 18, iz Republike Srpske dva), niko nije glasao „protiv“, a pet poslanika bilo je „suzdržano“. Predsjedavajući je konstatirao da nema potrebne entitetske većine, pa će se Kolegij kao komisija pokušati usaglasiti u roku od tri dana, o čemu će Dom biti obaviješten.

- 3. Predstavnički dom preporučuje da se Izvještaj o funkcioniranju demokratskih institucija BiH i Rezolucija 1701 (2010) i Preporuka 1894 (2010) prosljede nižim nivoima vlasti na upoznavanje i prepoznavanje svog dijela obaveza iz ovih dokumenata**

Dom je usvojio zaključak s 25 glasova „za“ (iz Federacije BiH 18, iz Republike Srpske sedam), bez glasova „protiv“ i jednim „suzdržanim“ glasom.

4. Predstavnički dom urgira za ubrzanje ratifikacije Povelje o regionalnim i manjinskim jezicima, što je jedna od preostalih postprijemnih obaveza.

Dom je usvojio zaključak jednoglasno, s 25 glasova „za“, (iz Federacije BiH 18, iz Republike Srpske sedam).

5. Predstavnički dom poziva Predsjedništvo BiH da ubrza proces imenovanja predstavnika BiH u međunarodnim tijelima, i to u: Evropskom komitetu za sprečavanje mučenja i nehumanog ili degradirajućeg tretmana ili kazne, Savjetodavnom komitetu Okvirne konvencije za zaštitu nacionalnih manjina, Evropskom komitetu protiv rasizma i netolerancije i Venecijanskoj komisiji.

Dom je usvojio zaključak jednoglasno, s 25 glasova „za“, (iz Federacije BiH 18, iz Republike Srpske sedam).

Ad.4. Izvještaj o aktivnostima na projektu „Autoput na Koridoru Vc“ i Plan narednih aktivnosti, materijal Ministarstva komunikacija i prometa BiH, broj: 01,02,01/5-29-371/10, od 24.2.2010.

Prvi zamjenik predsjedavajućeg dao je kratke uvodne napomene. U raspravi su učestvovali: Mehmed Suljkanović, Husien Nanić, Mirko Okolić, Slavko Matić, Šefik Džaferović, Bakir Izetbegović, Ekrem Ajanović, Adem Huskić, Azra Alajbegović, Selim Bešlagić, Niko Lozančić i ministar komunikacija i prometa BiH Rudo Vidović.

Dom je, s 25 glasova „za“ (iz Federacije BiH 17, iz Republike Srpske osam), bez glasova „protiv“ i jednim „suzdržanim“ glasom, usvojio Izvještaj o aktivnostima na projektu „Autoput na Koridoru Vc“ i Plan narednih aktivnosti.

Ad.5. Izvještaj o radu Ureda za razmatranje žalbi u 2009.godini, materijal Ureda za razmatranje žalbi broj: 01,02-50-3-386/10, od 26.2.2010.

Nakon uvodnih napomena prvog zamjenika predsjedavajućeg, u raspravi je učestvovao Bajazit Jašarević koji je predložio zaključke.

Dom je, s 19 glasova „za“ (iz Federacije BiH 12, iz Republike Srpske sedam), jednim glasom „protiv“ i četiri „suzdržana“ glasa, usvojio Izvještaj s Mišljenjem Komisije za finansije i budžet.

Zatim je, s 25 glasova „za“ (iz Federacije BiH 18, iz Republike Srpske sedam), bez glasova „protiv“ i jednim „suzdržanim“ glasom, usvojio zaključke Bajazita Jašarevića koji glase:

- „1. Predstavnički dom PSBiH traži od Ureda za žalbe da pripremi i realizira program mjera za rješavanje svih žalbi u postupku javnih nabavki u propisanom roku.**
- 2. U godišnjem izvještaju o radu Ureda za žalbe potrebno je u posebnom poglavlju obraditi žalbe koje nisu riješene u propisanom roku s precizno iznesenim razlozima za produženje vremena rješavanja u odnosu na propisano vrijeme.“**

S obzirom da nije bilo kvoruma, Niko Lozančić dao je pauzu kako bi se pokušalo naći rješenje. Nakon pauze od 30 minuta, Dom je nastavio rad.

Ad.6. Prijedlog rezolucije o važnosti osude genocida u Srebrenici i ratnih zločina u Bosni i Hercegovini za izgradnju trajnog mira, predlagač: poslanik Denis Bećirović, broj:01-02-12-261/10, od 3.2.2010.

Niko Lozančić dao je uvodne napomene. U raspravi su učestvovali: Denis Bećirović, Drago Kalabić, Ekrem Ajanović, Slavko Jovičić, Bakir Izetbegović, Azra Hadžiahmetović, Niko Lozančić, Remzija Kadrić, Azra Alajbegović, Husein Nanić, Mirjana Malić, Šefik Džaferović i Selim Bešliagić.

Klub poslanika SDP-a predložio je sljedeći zaključak:

„Rezoluciju o važnosti osude genocida u Srebrenici i ratnih zločina u Bosni i Hercegovini za izgradnju trajnog mira tretirati kao prvo čitanje da se kroz amandmansku fazu omoguće eventualne popravke i poboljšanje teksta.“

„Za“ ovaj zaključak glasalo je 19 poslanika (iz Federacije BiH 17, iz Republike Srpske dva), pet je glasalo „protiv“, a dva poslanika bila su „suzdržana“. Predsjedavajući je konstatirao da nema potrebne entitetske većine, pa će se Kolegij kao komisija pokušati usaglasiti u roku od tri dana, o čemu će Dom biti obaviješten.

Ad.7. Izjašnjavanje o Inicijativi poslanika Sefera Halilovića sa 71. sjednice Predstavničkog doma, održane 3. 2. 2010., koja glasi:

„Predstavnički dom Parlamentarne skupštine BiH zahtijeva od Vijeća ministara BiH da dostavi kompletnu informaciju o stanju pripadnika Oružanih snaga BiH kojima u toku 2010. godine ističe ugovor i predložena rješenja ovog pitanja, kako bi se na narednoj sjednici Doma obavila rasprava o ovom važnom pitanju i donijele odluke“.

Nakon uvodnih napomena Nike Lozančića, nije bilo rasprave u okviru ove tačke dnevnog reda.

Dom je jednoglasno, s 24 glasa „za“ (iz Federacije BiH 17, iz Republike Srpske sedam), usvojio Inicijativu.

Time je realiziran dnevni red.

Na kraju je prvi zamjenik predsjedavajućeg napomenuo da je 75. sjednica Doma zakazana za 7.4.2010., te je iskoristio priliku i svim vjernicima poželio sretan Uskrs.

Sjednica završena u 19 sati.

Sastavni dio Zapisnika je transkript 74. sjednice Predstavničkog doma.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
dr. Milorad Živković